

Inalugarsuakkut erlukkullu kræfteqarneq





Imarisai:

- 5 Aallaqqaasiut
6 Inalugarsuaq qanoq atuuffeqarpa?
7 Inalugarsuakkut kræfti sutigut
malunnaateqartarpa?
8-9 Misissuinerit suut ingerlanneqassappat?
8-9 Qinngutaasanik iluaquserluni misissuineq
10 Misissuinerit allat
11 Qanoq napparsimatigaanga?
11 Nappaat timimi sumiiffinnut
allanut siaruaassimavoq
12-13 Nappaatip killiffii immikkoortut sisamat
14-15 Nalileeriaaseq TNM
atorlugu naalisaanerit isumaat
17 Katsorsaanerit suut piuppat?
18 Erlukkut kræfteqarnermi pilatsinnej
18 Saneqqakkut anartarfik
19 Qinngortarneqarneq
19 Kemoterapii
21 Kræfti tingunnut anngussimagaangat
katsorsaaneq
21 Tupa katsorsarneqarnerlu
23 Kingunipiluit qaangiuttussat
ataavartullu suuppat?
23 Pilatsinnerup kingunerisinjaasai
24 Pilatsereernerup kingorna ippinniuutaasinnaasut
24 Kemoterapiip kingorngi
25 Inalugarsuakkut erlukkullu kræftimut
kemoterapeertitsinerup kingorngi
sivisunerusumik atorsinnaasat
25 Qinngortaanermi kingunipiluit
25 Erlukkut kræftimut qinngortaanermi
kingunipiluit sivisunerusumik atuuttartut

- 25 Katsorsarneqarninni sullissisut oqaloqtigikkit
26 Allatigut katsorsaanernik peqarpa?
26 Misiliutaalluni nakorsaatissinneqarneq
26 Misileraataasumik katsorsaaneq
27 Periaatsit ilisimatusarnikkut
akueraisaanngitsut atorlugit katsorsaaneq
28 Katsorsartinneq naammassippat
qanoq pisoqassava?
28 Misissortittarnissat
28 Nappaatip nangeqqissinnaaneranut
ersissuteqarneq
29 Saneqqakkut anartarfegarluni inuuneq
29 Peqqisseqqissaanga?
31 Naatsorsueqqissaarnerit qanoq
takussutissaqarpat?
32 Kræfti peerneqarsinnaanngippat taava?
32 Anniarnaveersaartitsilluni nakorsaasiineq
33 Nappaatip nangeqqinnerani nakorsaasiineq
33 Inalugarsuakkut kræfti sooq pinngortarpa?
34 Uanga nammineq qanoq
iliuuseqarsinnaavunga?
34 Nerisat timersornerlu
35 Pujortartarpit?
35 Pujortarunnaarnissannut ikiorneqarusuppit?
37 Aalakoornartutorpallaarpit?
37 Aalakoornartutorerup allangortinnissaa
pillugu ikiorneqarusuppit?
38 Sumi ikiorneqarsinnaavunga kiisalu
siunnersorneqarsinnaavunga?

Aallaqqaasiut


Inuit amerlanersaat kræfteqarnertik paasigaangamikku annilaaru-jussuartarput. Qisuarinerit assigiinngittaqaat. Amerlasuut annilaangsorujussuanngortarput toquニissartillu eqqarsaatigeqqajaaler-sarlugu. Inuit ilai soriusissaarutivittarput, suullu tamaasa tassangan-nangaarmata artornartutut upperiuminaatsutullu isigilersarlugit. Allat nappaatertik katsorsartinnissartilu qanoq iliuuseqarfingini-assallugu pilersaarusiorfigilertarpaat.

Inalugarsuakkut erlukkullu kræfteqarneq nappaataavoq imaannaan-ngitsoq, taamaattoq ilisimatuut misileraajuarput katsorsaaneq pitsanngorsarniartuarlugu. Aamma kræfti atorlugu inuuneqartus-saasunut pitsanngorsaajuarput. Una atuagassiannguaq apeqqutinut nappaammut katsorsarneqarnissamullu tunngasunik akissutissanik imaqarpoq.

Nappaateqartut tamarmik immikkut assigiinngeqisunik atugaqar-tarput. Taamaattumik nakorsaq ilinnik katsorsaasussaq, illit nappa-a-tinnut tunngasunik apeqqutigisassannut akissutissaqarluarnerus-sapput.

Juni 2007

Aallaqqaasiut



Inalugarsuaq qanoq atuuffeqarpa?

Inalugarsuaq erlorlu katillutik meter-imik ataatsimik takissuseqarput, taakkullutillu erlaviit naaneri. Nerisat inalugarsuarmut erlumullu annukkaangamik inalukkaninggaaneersarput, nerisat inuuussutissartai inalukkanait timimut ingerlatinneqartarput. Taamaammat iisat inalugarsuanut ingerlatinneqareeraangamik tassaanerusarput timip igitassai, imeq taratsullu. Imeq taratsullu inalugarsuarmiit timimut milluartinneqartarput, sinnerilu itikkut anillatsinneqartarlutik. Erluk 15 centimeterinik takissuseqartarpooq. Inalugarsuup iluatungaa ameraasamik pooqqavooq, avataaniippullu qinersit sapanngatut nuaatut ilillutik imerajoqarfimmut attavillit. Qinersit timitta akiuussutissaqarfiiut ilaapput. Imerajoqarfiiut suliassaraat imerpalasup sinnerata qinersinut ingerlaartinnissa, tassani imerpalasoq salinnejartarpooq timittalu aavata ingerlaarfianut ingerlatittarlugu.

Inalugarsuaq qanoq atuuffeqarpa?

Inalugarsuakkut kræfti sutigut malunnaateqartarpa?


Inalugarsuakkut erlukkullu kræfteqarneq inummiit inummut assi-
giinngitsutigut malussarfingineqartarpooq.

Taamaattoq nalinginnaanerpaapput ammanersornerup ippinnaa-
teqarsimanngikkaluartup sivisujaartumik allannguuteqarnera, sani-
gorneq, anarnermi aanaartarneq imaluunniit aakilliorneq.

Kræfteqarsinnaanermut ilisarnaatit qanorpiaq malussarfingineqar-
sinnaanerannut apeqqutaasarpooq kræfteqarfik sorpiamiinnersoq.

Tinuneq inalugarsuup qulaatungaaniissimappat malussarfitt siulliit
tassaagajunnerusarput qasoqqaneq, sanigorneq aakilliornerlu.

Tinunerli inalugarsuup naqqatungaaniissimappat erlumuut qanilluni
malunnaatit tassaagajunnerupput anarnermi aattaqarneq malunnar-
tumillu anarnianeq ajornakusoorsinnaasarluni. Ilaat aamma anniar-
tarput. Tinuneq allisimappat, inalukkat qissallassinnaasarput.



Nakorsap koloskop imaluunniit sigmideoskop atorlugu inalugarsuup ilua takusinnaavaa ameruaasamillu misissugassamik peersilluni. Koloskop-imik inalugarsuaq tamaat misissorneqarsinnaavoq, sigmoideoskopetimilli 60 cm sinnernagu misissuisoqarsinnaalluni.

Misissuinerit suut ingerlanneqassappat?

Inalugarsuakkut kræftegarneq paasilluarniarlugu misissuinerit arlalit ingerlanneqassapput. Siullermik nakorsap itit satsissavaa maluginiarlugu erlunni tinusoqarnersoq. Qinngutaasanik iluaquserluni tarrarsuillunilu scannerinermik, inalukkakkut ippinnartoqarnera malussarfingiassallugu ajornarneq ajorpoq.

Qinngutaasanik iluaquserluni misissuineq

Qinngutaasat assigiinngitsuupput. Nalinginnaanerpaavoq sigmoideoskop, taanna atorlugu inalugarsuup naqqatungaa, erloq misissorneqartarpooq.

Aamma alla qinngutaasaq koloskop, atorlugu inalugarsuaq tamarmi misissorneqartarpooq.

Misissueriaatsit marluusut itikkut misissuinermi pisarput, taamaamallu misissuinissaq pitinngagu anassaarussimasussaavutit.

Inalugarsuaq tamaat, koloskop-imik atortulerluni misissorneqassatillugu eqqissisaammik imaluunniit anniarnaveersaammik neqeroorfigneqassaatit. Erlukkut, Sigmoideoskopimik atortulerluni misissorneqassatillutit tamanna annernarneq ajorpoq, taamaattoq ilaasa iluaagisarpaat.

Misissuinerit allat

Inalugarsuit, koloskopimik iluaquierluni misissorneqarsinnaanngip-pat taava tarrarsueriaaseq CT-scanning atorlugu inalugarsuit erlullu misissorneqassaaq. Tarrarsorneqartinnani itikkut erluk silaannaler-neqassaaq taamalu ilut asiigiinngitsunik arlalinnik assilineqassalluni. Aamma taamatut misissuinermi anassaajarneqareersimassaatit.

Erlukkut kræftimik nassaartoqarpat, pingaaruteqarpoq paassisallugu kræfti puannut, tingunnut nassanullu siaruassimanersoq.

Taamaattumik tarrarsortinnikkut aamma nipip maligaasai ilua-qutigalugit assiliinikkut (ultralydsscanning) imaluunniit assileeriaaseq alla CT-scanning atorlugu misissorneqassaaatit.

Erlukkut kræftekqaruit, taava itit aqqutigalugu tarrarsuineq MR-scanning imaluunniit nipip maligaasai iluaqtigalugit misissorneqassaaatit. Tamatumunnga siunertaavoq paasiniassallugu pilattaanissaq sioq-qullugu qinngortaasoqartariaqassanersoq.

Qinngutaasat koloskop imaluunniit sigmoideoskop atorlugit nakorsap erluk inalugarsuarlu isiginnaajutigalugit ilanngarsisinnaavoq misissugassanik. Qinngutaasaq Koloskopet iluaqtigalugu inalugarsuaq tamaat misissorneqarsinnaavoq, qinngutaasarli sigmoideoskopet atorlugu itermiit qummut 60 cm-it taamaallaat misissorneqarsinnaavoq.

Qanoq napparsimatigaanga?


Nakorsaniit naililersorneqassaaq qanoq peqqisseqqissinnaatiginer-sutit taamalu katsorsarneqarnissavit pitsaanerpaajunissaa angu-niassallugu pingaartippaat paassisssallugu nappaatit sumut killin-nersoq. Amerlanerpaatigulli pilatserererpit kingorna aatsaat nakorsat iluamik nailersinnaasarpaat nappaatit sumut killinnersoq. Nappaativit killiffiata nailernissaanut apeqquaasoq tassa tinuneq kræfteqarfik qanoq angitiginersoq kiisalu nappaat qanoq siaruaatsi-gisimanersoq. Nappaatit killiffi assigiinngisitaartut nakorsaniit inissitsiterneqartarpot. Inalugarsuakkut kræfteqarnermi killiffiersuineq aalajangersimasoq Duke-p killiffilersuineranik taaneqartoq nalinginnaanerpaatut atorneqartarpooq.

Nappaat timimi sumiiffinnut allanut siaruaassimavooq

Nappaat erlaviit sinnerinut siaruaassimasarloq, amerlasuutigut tingunnut.


(Napparsimasut 18 %-iisa missingi taamatut killiffeqartarsimapput). Killiffilersuineqalla, TNM-miktaasaq killiffilersuinermeri nutaajuneruvoq akulikilliartuinnartumillu killiffilersuinermeri atorneqartarluni.

Naqinnerit TNM atorneqartut imatut isumaqartinneqarput: Naqinneq T-mut tunngatinneqarpoq tinuneq. Naqinnerup T-p kingorna kisitsit atorneqartarpooq. Kisitsit tinunerup angissusianut tunngatinneqartarpooq. Naqinneq N atorneqartarpooq qinersinut tunngatillugu. N-ip kingorna aamma kisitsit atugaq qinersip qanoq atsigisumik siaruaaffigineqarsimaneranut atorneqartarpooq. Naqinneq M tassaavoq tinunerit ilasimanerannut (kræfti timip sinneranut siaruaassimaneranut naillersuut).



Nappaat inalugarsuarmiit tingu-gummut ingerlasimavoq, tingummi takuneqarsinnaapput kræfteqarfitt arlallit.

Nappaatip killiffi immikkoortut pingasut



Nalileeriaaseq TNM atorlugu naalisaanerit isumaat

Killiffik A

Tinuneq immikkoorpoq angissutsimik aalajangersimasumik angis-susilik inalugarsuarlu akimorlugu naasimanani.
(Naatsorsueqqissaarnerit malillugit inalugarsuakkut kræfteqartut ilaasa 12 %-it missaanniittut tamanna killiffigisimasarpaat).

Killiffik B

Tinunerup inalugarsuaq akimut annguffigisimavaa, taamaat-torli qinersinut inalugarsuup avataaniittunut anngussimanani.
(Napparsimasut ilaat 36 %-it missaanniittut killiffik tamanna ator-tarsimavaat).

Killiffik C

Tinunerup inalugarsuaq akimorsimavaa qinersinullu qanittunut ingerlasimalluni.
(Napparsimasut ilaat 30 %-it missaanniittut tamanna killiffigisi-masarpaat).

- T1: Tinunerup ameraasaq inalugarsuarmiittoq putullugu naasimavoq.
- T2: Tinuneq inalugarsuup nukii naaffigisimavai.
- T3: Tinunerup inalugarsuaq tamaat akimut naaffigisimavaa.
- T4: Tinunerit ilaartorlutik erlavinni allani nassanilu naasimapput.
- N0: Qinersit tinunerup angusimanngilai.
- N1: Qinersit pingasunik amerlanerunngitsut kræftip siaruaaffigisimavai
- N2: Qinersit sisamat imaluunniit amerlanerit kræfteqarfiulersimapput.
- M0: Kræfti inalugarsuarniit timimi sumiiffinnut allanut ingerlasimanngilaq.
- M1: Timimi sumiiffinnut allanut kræfti siaruaassimavoq

Killifflersuinerit taakkua assigiinngitsut TNM aamma Duke'p killifflersuinerisa naalisaualluni isumaat/nassuaatitaat ataani takusin-naavatit:

Killifflersuineq TNM atorlugu: Duke-p killifflersuinera malillugu killifflit

T1-2, N0 aamma M0: A

T3-4, N0 aamma M0: B

T1-4, N1-2 aamma M0: C

T1-4, N1-2 og M1: Nappaat timip sinneranut siaruaassimavoq



Inalugarsuarmi kræfteqarfik peerneqareerpat inalugarsuaq katin-neqartapoq, kakkillugu imaluunniit mersorlugu.



Kræfteqarfik appasippallaarsimappat allaat nukiit ilanggullugit peerneqartariaqarlutik, taava saneqqakkut anartarfiliineq pisarpoq.

Saneqqakkut anartarfik (Stomi) imatut isikkoqarsinnaavoq.

Katsorsaanerit suut piuppat?

Katsorsaanermut apeqquataapput, tinuneq inalugarsuup suatungaa-niinnersoq, taamaappallu peerneqarsinnaanersoq, nappaat siaruaas-simanersoq kiisalu pilatsinnissat sapissannginnerit.

Taamaattumik katsorsaaneq qanoq ittoq ingerlanneqassanersoq inummiit inummut assigiinngissinnaavoq.

Inalugarsuakkut kræfteqarneq pillugu pilatsinneq

Inalugarsuakkut kræfteqarnermi kræfteqarfik peerneqartarpoq, ilanggullugu peerneqartarpoq kræfteqarfiup killinganiit inalugarsuup illuttut ilamernga. Kræftip tamakkernissaa qulakkeerniarlugu qinerseqarfiup qanittuaniiittut qinersit orsortaallu aamma peerneqartarput. Inalugarsuaq imminut atateqqilerniarlugu mersorneqartarpoq imaluunniit pussutsinneqartarpoq.

Ilaanneeriarlunili inalugarsuaq kipisaq saneqqakkut attavilerneqartarpoq (anartafilerneqartarpoq, stomi). Taanna piffissami sivikitsumi atatinneqarsinnaavoq imaluunnit ataavartumik aaqqiissutaasin-naavoq.

Inalukkat bakteriaqarfissuupput aseruuttoortitsisinnaasunik, taamaattumik aseruuttuunnginnissaq pillugu aseruuttoornaveersamik, antibiotikamik, pilatsinnerup nalaani nakorsaaserneqartassaait. Kiisalu aammut imerpallarsaatnik nakorsaaserneqartassaait ulla-alunni tulliuttuni aanaartoorsinnaanerit pinngitsoortinniarlugit.

Erlukkut kræfteqarnermi pilatsinnej

Erlukkut kræfteqarfiup qanoq siaruaassimatinera paassisallugu pingaaruteqarpoq. Tamatumunnga pissutaavoq kingullertigut ileq-quulermat napparsimasut ilaat pilattannginnerini qinggaortaanermik kemoterapiimillu nakorsaaserneqartalermata. Taamaammat misis-sortinnerit arlallit ingerlanneqaqqaassapput, - soorlu nipip maliagaasaanik iluaquteqarluni assiliineq ultralydsscanning, aamma alla assiliineq CT- aamma MR-scanning. Pilattaanermi erluk tamaat imaluunniit ilaannaa kiisalu qinerseqarfitt avataaniittut orsoqarfitt tamarmik peerneqassapput. Taamaaliornikkut nappaatip nangeqqissinaanera pinngitsoortinniarneqartarpooq.

Pilattaariaatsimi taama ittumi kuutsini sianiuteqarfitt annaana-veersaerneqartarput. Kiisalu nalinginnaasumik quisarnerit atoqati-giinnikkullu periarfissat attatiinnarneqarsinnaaneri qulakkeerniar-neqartarput. Pilattaareernikkut inalugarsuaq kateqqinneqartarpooq. Inalugarsuarli mamisarlurniarlugu ilaanni naap saneraatigut anar-tarfimmik ikkussisoqartarpooq. Taanna kingusinnerusukkut peerlugu inalugarsuaq katinneqartarpooq. Ilaannili erluk ilanngarsimavallaaraangat itillu nukii ilanngarsimavallaaraangata saneqqakkut anar-tarfik (stomi) attatiinnarneqartarpooq.

Saneqqakkut anartarfik

Naat saneraarinngaanniit anartarfik tassaavoq naat putullugit inalugarsuup silammut aqquataa. Taamaalilluni anassaq aqquqissinne-qartarpooq itikkut pinnani. Inalugarsuup isua puussianngualerme-qartarpooq. Saneqqakkut anartarfillit ilaasa inalugarsuartik ullut tamaasa imaartarpaat, ilaannilu puussiartaqaratik saneqqamik ammanera mattusiinnartarpaat imaluunniit simiinnartarpaat.

Inalugarsuakkut nappaatillit amerlanerujartuinnartut pilatsereer-nerminni inalugarsui imminnut katinneqartarput, saneqqakkullu anartarfillit ikiliartuinnarlutik. Taamaattoq anarniarnikkut ilunger-sunartorsioraanni piffissaq ungasinnerusoq eqqarsaatigalugu saneqqakkut anartarfitt iluarnerussapput inuunermullu nalinginnaasumut akornutaanatik.

Erlukkut kræfteqarnermi pilatsinnej

Qinngortarneqarneq

Qinngortaalluni nakorsaaneq tassaavoq radioaktiv-iusumik qinngortaalluni kræftip sananeqaataanik suujunnaarsitsineq.

Qinngortaaneq annernanngilaq pinerillu tamaasa minutsialunguaannarnik sivisussuseqartarluni. Inalugarsuarmi kræfteqarfiusoq kisimi qinngortarneqartarpooq. Katsorsaanerup nalaani ilaanneerarluni pilattaaneq pitinnagu tinuneq kræfteqarfiusoq millisarniarlugu qinngortaasoqartarpooq, taamaaliornikkullu pilaanissaq ajornaallisarneqartarluni. Qinngornerit radioaktiviuugaluartut qinngortartinnermi radioaktiviusumik segersittoqarneq ajorpoq.

Erlukkut kræfteqarnermut katsorsaanermi angusarissaartoqartarpooq qinngortaaneq kemoterapiimik ilallugu nakorsaasiineq.

Taamaattorli kræfteqarfik timip sinneranut siaruaassimatillugu qinngortaaneq siaruaaffinnut iluaqutaaneq ajorpoq.

Inalugarsuakkut kræfteqarneq immikkut ittoq itermiit aallartissimasoq nappaatigigaanni qinngortaaneq katsorsaatissatut qarasartutut pitsasutullu isigineqartarpooq.

Kemoterapii

Kemoterapiimik nakorsaateqarneq tassaavoq timip sananeqaataanik suujunnaarsitsilluni nakorsaaneq. Qinersit kræftimik anguneqarsimatilligit nakorsaniit innersuussutigineqartarpooq pilanneqareernerup kingorna kemoterapiimik nakorsaasiisoqassasoq.

Kemoterapiimik nakorsaasiinermi peqqisseqqinnissaq qaninnersarpoq kiisalu nangeqinnissaq ungasinnerusarluni.

Krähti siaruaassimappat kemoterapiimik nakorsaasiineq inuunermut pitsangorsaataasarloq kiisalu inuuneq sivtsorneqarsinnaalluni.

Kemoterapii nakorsaataavoq, iisartagaasinnaasoq aammali tarat-sersortinnertut ililluni atortinneqarsinnaasoq (drop). Tassa imaappoq puussiaaraq imerpalasumik kemo-mik imalik slangennguakkoorlugu taqqamut kapuummik ikkussivigineqarsimasumut manngullugu aammut akulerunneqartartoq. Taamaalilluni kemo timimut tamarmut akuliunneqartarpooq. Kemoterapiit assigiinngitsut arlaliupput, nakorsaatigitinneqarnerinilu napparsimmavimmi uninnganissaq pisariaqarneq ajorpoq.



Asseq: inuk Media ©

Kræfti tingunnut anngussimagaangat katsorsaaneq

Nappaat tingunnut siaruaassimappat tinunerillu ikittuinnannguup-pata, taava ajornanngippat pilaasoqassaaq.

Pilanneqarnissaq ajornassappat, katsorsaariaaseq RFA (Radio Frequency Ablation) atortinneqarsinnaavoq. RFA tassaavoq napsimasup sinitsineqarnerani meqqutitut ittunik atortoqarluni kræftip sananeqaataanik aseruiniarneq kissassuseq 65 grader atorlugu. RFA-p ilinnut atortinneqarsinnaanera paasiniarlugu, tarrasuineq, ultralysscanning atorlugu tarrarsortissaatit.

Tarrarsortinnerup saniatigut kræfteqarfimmii piigaqartoqassaaq misissugassamik. Puaat nassallu aamma kræftimik anguneqar-simanersut misissuiffigineqassapput.

Tupa katsorsarneqarnerlu

Pujortartaruit pilatsinnissat sioqqullugu pujortarunnaarnerit ilua-qutigisinnaavat suliaritinninnut tunngatillugu ajoqutigisinnaasatit tamatumuuna annikillissammata. Akornutigineqarsinnaasut imaluunniit ajoqutaasinnaasut tassaasinnaapput aseruuttoornerit, uummatikkut puakkullu ajornartorsiulerterit, kiisalu ikit aanaaler-sinnaavoq mamilikkuminaalluni maminnerlussinnaallunilu.

Pujortartut qinngortartinnerminni qinngortaanerit sunniutaat annikillisisinnaavaat. Taamatorluinnaq imigassaq aalakoornartoq pillugu Peqqinnissakkut Aqutsisoqarfimmii killigititaasut qaangin-ningikkukkit akornutissat ippinniuutaasinnaasullu annikillisisinnaavatit. Imigassamik aalakoornartumik atuinerit annikillisikkukku akornutissaasinnaasut annikillisisinnaavaatit. Tupa aalakoornartorlu pillugit kingusinnerusukkut atuagassaqarpooq.



Asseq: Johanne Olsen

Kingunipiluit qaangiuttussat ataavartullu suuppat?

Nakorsarneqarneq sunaluunniit kingunipiloqartinneqarsinnaavoq, inuillu assigiinngeqisumik qisuarialeqartarpuit. Tullinnguullugu atuarneqarsinnaavoq pilatsinnerup, kemoterapeerneqarnerup qinngortarneqarnerullu kingunerisinaasai nalinginnaanerpaat. Qujanartumilli inuit tamakkerlutik kingunipiloqartitsineq ajorput. Ilinnut katsorsaataasussaq sunillu kinguneqartinneqarsinnaanersoq pillugit sulisut sukumiisumik nassuaateqartissinnaavatit.

Pilatsinnerup kingunerisinaasai

Inalugarsuakkut erlukkullu kræfteqarneq pillugu pilatsinnej annertuujuvoq sivisuumillu qaangerniarneqartarpooq.

Nukittorsaqqittariaqarpoq tamannalu qaammatini arlalinni pisin-naavoq.

Pingaartumik erlukkut pilatsereersimagaanni piffissami sivisuumi siornatigutulli ammanersorniarluarneq ajornakusoortarmat taman-na ilungersunartittarpaat. Ilaat akulikitsuararsuarmik anartalersin-naapput, ilaasali anarniarnertik ajornakusoortissinnaasarpaat.

Arnat angutillu quiniarnermikkut ajornakusoortitsisarput, illautungaatigulli quussartik nunulluarsinnaasarlugu. Angutit usutik napartikkuminaatsittarpaat. Tamakkua tamaasa amerlanerpaat qaa-ngertarpaat.

Pilatsereernerup kingorna ippinniuutaasinnaasut

Inalugarsuakkut kræfteqarlutik pilatsittut amerlasuutigut pissusissamisut ingerlasarput. Taamaattoq pilatsittut ilaat 30 %-it mis-saaniittut annerusumik minnerusumilluunniit akornutissanik nalaataqarsinnaasarpot. Tamakku tassaasinnaapput ikikkut aseruuttoornerit, naakkut ajualernerit, puakkut unitsisinerit kiisalu uummatimikkut nappaatillit uummaliuersinnaapput.

Tamakkua pinngitsoortinniarlugit siniffinniitillutit aalaniartassaait nalinginnaasumillu neriniartarlutit. Sinifimmii uninngaannarluni akornutissarsisinnaneq qaninnerusarpooq. Taamaattumik pingaru-teqarpooq erniinnaarluni siniffiminngaanniit aqqarluni aalasar-nissaq. Qanigisat imaluunniit napparsimmavimmi sulisut aperikkit pisuttuarnissannut ikiorneqarsinnaanerlutit.

Pilatsissimasut ilaat sahngiillisimasut pilatsereernerminni akornutissarsinissaminnut qaninnerusarpot.

Erlukkut pilatsissimasut ilaasa 11 %-it missaanniittut ikermikkut kakkineqarsimasut ikii ammaqqittoorsinnaasarpot, inalugarsuak-kulli pilanneqarsimasut ikii qaqtigorsuaq ammaqqittoortarput.

Ikimik ammartordeq imaannaangitsuuvoq. Amerlasuutigut pilat-seqinnissaq pisariaqartarpooq, tamannalu tamatigorluinnangajak saneqqakkut anartarfilerneqarnermik kinguneqartarpooq.

Saneqqakkut anartarfilerneqarneq piffissami aalajangersimasumi pisinnaavoq aammali ataavartinneqarsinnaavoq.

Kemoterapiip kingorgni

Kemoterapiimik nakasaaserneqarnikkut timi tamarmi sunnerne-qartarpooq. Timip sananeqaatai kræfteqarfitt kisimik eqqorneqarneq ajorput aammali sananeqaatit peqqissut eqqorneqartarput.

Tamanna kingunipiloqartinneqartarpooq amerlanertigulli tamakku qaangiuttarput. Kemoterapiip kingunipilui nalinginnaanerpaasut tassaapput sorussussuseqannginneq, qasoqqaneq, neriumajunnaareq, timminneq, merianguneq, meriarneq ilaannilu nujaarunneq.

Ataasiakkaat assaasa qaavi aluilu amerlertarput aappillerlutik imaluunniit quilliliuersarput.

Pilatsereernerup kingorna ippinniuutaasinnaasut

Inalugarsuakkut erlukkullu kræftimut kemoterapeertitsinerup kingorngi sivisunerusumik atorsinnaasat

Pilanneqarnermi kræfteqarfik peerneqareerpat kemoterapii na-korsaatitut tapiliullugu atortitaq qaqtiguiinnaq ataavartunik kingu-neqartinneqartarpoq. Illuatungaatigulli inalugarsuakkut kræfteqar-tunut, pilanneqarsinnaanngitsunulli kemoterapiimik nakorsaasiineq ataavartunik kingunipiloqartinneqarsinnaasarloq.

Kemop akuisa ilai sianiuutinut akornusiisinjaasaput, soorlu assaat isikkallu kakillaaluttunngorsinnaapput imaluunniit annernarsisin-naapput. Amerlanerit tamanna, kemoterapeerneqareernerup kin-gorna qaammataluit ingerlanerini qaangertarpaat. Erlukkut kræf-teqartuni pilanneqarsinnaanngitsuni aamma kemoterapiimik nakor-saaserneqarsimasuni taamatorluinnaq malussarneq pisarloq.

Qinngortaanermi kingunipiluit

Qinngortarneqarneq inuit assigiinngitsorujussuarmik malussarfigi-sarpaat. Ilaat malunnartumik ippigisaqannngisaannartarput ilaalli qasusarput, timmilersarlutik imaluunniit merianngusarlutik.

Erlukkut kræftimut qinngortaanermi kingunipiluit sivisunerusumik atuuttartut

Anassamik nunusinnaaneq qinngortartereersimagaanni ajornaku-soornerulersinnaavoq. Napparsimasut pilanneqarsimasut qinngor-tarneqarsimasullu allanut sanilliullutik akulikinnerusunik anar-talersarput, ilanneeriarlutilu nangeqartariaqartarlutik.

Qinngortarneqarsimasut saneqqamikkut anartarfilerneqarnissaat qaninneruneq ajorpoq.

Katsorsarneqarninni sullissisut oqaloqatigikkit

Qinngortarneqassaguit imaluunniit kemoterapiimik nakorsaaser-neqassaguit katsorsarneqarnerpit kingunerisassai pillugit, sulisut ta-matuminnga sullissisut siunnersorneqarnissannik ilitsersuunne-qarnissannillu ikiortiserisinhaavatit.

**Inalugarsuakkut erlukkullu kræftimut kemoterapeertitsinerup kingorngi
sivisunerusumik atorsinnaasat**

Allatigut katsorsaanernik peqarpa?

Misiliutaalluni nakorsaatissinneqarneq

Misiliutaalluni nakorsaateqarneq tassaavoq nakorsaatinik nutaanik misiliilluni ilisimatusaatigalugu misilittaaneq. Nakorsaatit misiliutaasut ilumut iluaqutaanerat suli uppermarsaatitaqanngillat.

Tamanna pisarpoq nakorsaatit pisortaniit akuerineqarnissaat sioqullugu, misiliutaasullu inuit immikkut akuersisimasut aalajangersimasumik amerlassuseqartarput.

Misiliutaalluni nakorsaaserneqarnissamat kikkut peqataanissaat pillugu immikkut aalajangersagaqanngilaq. Misiliutaanermi apeqquatainneqartarpoq kræftip suunera, kræfteqarluni paasisaqaqqammersuuneq, imaluunniit katsorsarneqarluarnerup kingorna nangeqqittoortuuneq. Aamma apeqqutaasarpooq tinunerup qanoq angitiginera imaluunniit siaruaassimanera. Kiisalu siusinnerusukkut katsorsartissimaneq apeqqutaaqataasarpooq.

Misiliutaasut tamarmik aalajangersimasumik pilersaarusrorfigineqartarput, soorlu qanoq sivisutigisumik misiliutaanissaq ilaallu ilanggullugit.

Misileraataasumik katsorsaaneq

Misileraatasumik katsorsaaneq tassaavoq siusinnerusukkut atorsimanagu kiisalu suli paasilluarneqanngitsoq ilumut katsorsaataasinnaanersoq, tassa kinguneqarluarsinnaaneranik uppermarsivinneqanngitsumik misileraalluni katsorsaaneq.

Aalajangersimasumik maleruagassiisarneq qaqtigorsuaq pisarpoq, kiisalu misileraataasumik katsorsaasoqartarpoq allatigut soriusis-saarunnermi.

Siunertaavoq toqqutaasinnaasumik nappaatillit ataasiakkaat nappaateqernerini pitsaanerpaamik iliuseqarfinginarneqarnerat.

Misileraataasumik katsorsaanerit pisarput, kræfteqartunut katsorsaavinni immikkorluinnaq pitsaassusilimmik qaffasissumillu ilisimatusarflusuni. Kræftimik napparsimasut misileraataasumik katsorsagassatut Peqqinnissakkut Qullersaqarfimmur saaffiginnissutaasarpur innersuunneqartarlutillu. Misileraataasumik katsorsaaneq pillugu immikkut ilisimasallit suleqatigiisitat Peqqinnissamat Qullersaqarfimmur innersuussisarpur siunnersuisarlutillu.

Periaatsit ilisimatusarnikkut akuerisaanngitsut atorlugit katsorsaaneq

Tamanna katsorsariaaseq tassaavoq napparsimmavinni nakorsaniit nalinginnaasumik neqeroorutaaneq ajortoq.

Katsorsaatissatut immikkut akuerisaasut nakorsamiit itigartitsissutigineqarsinnaanngillat. Taamaattoq illit soorunami toqqarsinnaavat, katsorsartinnissat nakorsamiit neqeroorutaasoq ilallugu periaatsit ilisimatusarnikkut akuerisaanngitsut atorlugit katsorsartinnissat.

Taamaallaat eqqumaffigiinnassavat immikkut akuerisaanngitsut tassaammata ilisimatuussutsikkut misileraanertaqanngitsut, taamaattumillu sunniutaat imaluunniit kingunipiloqarneri erseqqissumik uppernarsaatitaqanngitsut.

Immikkut akuerineqanngitsut nakorsaatiginiartakkat napparsimmavinni katsorsaatinut nakorsaatiginneqartunut sunniisinjaasunik aamma ilaqlarsinnaapput. Taamaattumik katsorsartinnerit tamakkuningga ilassusissagukku tamanna pillugu nakorsaq oqaloqatigis-sallugu pingaaruteqarpooq.



Asseq: inuk Media ©

Periaatsit ilisimatusarnikkut akuerisaanngitsut atorlugit katsorsaaneq

Katsorsartinneq naammassippat qanoq pisoqassava?

Katsorsartinnerit naammassippat nukissaqanngitsutut qasoqqasutullumisigiguit tamanna nalinginnaalluinnarpoq. Katsorsartissimasut ilaat amerlasuut kingunipilutsitsisarpas ataavarsinnaasunik tamanalu inuunerme sungiunniartariaqartarpooq. Amerlasuut iluaqu-tigisarpaat kræfteqarsimasunut siunnersuisarfeqarpat taakkua atorluarnissaat.

Misissortittarnissat

Katsorsarneqarnerpit kingorna ukiuni siullerni akuttunngitsunik misissortittarnissat neqeroorutaassaaq. Tamanna pisassaaq pilanne-qarfinni imaluunniit sumiiffimmi kræftemut kemo atorlugu katsorsarneqarfigismasami. Pisariaqarluinnarpoq eqqumaffigissagakku anarniartarnerit allannguuteqarnersoq, aattalimmik anarnerlutit, anniarnerlutit imaluunniit sanigornerlutit. Taamaattoqassappat tamanna isumaqartariaqanngilaq kræfti nangeqqissimasoq, taamaatoq sukumiisumik misissorneqarnissat pisariaqarluinnassaaq.

Nappaatip nangeqqissinnaaneranut ersissuteqarneq

Katsorsartinnerpit kingorna ilisimasariaqarpat, illit qanigisatillu sior-natigutut inuunerisimasamut imaaliallaannaq pisoqarsimannngitsutut uteqqinnissarsi ajornakusuussaqisoq. Nappaateqarsimasut amerlaqisut nappaatip nangeqqinnissaanut annilaangatuunngortarput timimilu pisut assut eqqumaffigilersarlugit.

Aamma illit taamatorluinnaq misigiguit, ilinnut iluaqutaasinnaavoq ernummatitit pillugit nakorsat oqaloqatigigukku. Allat ilittut nap-paateqarsimasut aamma misigisaat pillugit oqaloqateqartarsin-naassaatit, soorlu sumiiffinni ikorfartoqatigiinnik aallartitsisoqar-simappat.

Saneqqakkut anartarfekarluni inuuneq

Saneqqakkut anartarfekarluni inuuneq sunik qisuaariaateqarfisarpaat, amerlanerpaalli misigisarpaat timer-tik malunnaatilimmik allannguuteqartoq. Amerlasuut timikkut allannguuteqarnertik attortissutigivallaanngikkaluarlugu isumma-mikkut akuersiuminaassinnanerluktuq. Saneqqakkut anartarfekarluni inuuneq.

Sumiiffimmi saneqqakkut anartarfekarluni inuuneq sunik qisuaariaateqarfisarpaat, amerlanerpaalli misigisarpaat timer-tik malunnaatilimmik allannguuteqartoq. Amerlasuut timikkut allannguuteqarnertik attortissutigivallaanngikkaluarlugu isumma-mikkut akuersiuminaassinnanerluktuq. Saneqqakkut anartarfekarluni inuuneq.

Peqqisseqqissaanga?

Kræftimik nappaateqalersimagaanni tamanna amerlasuunit tuparu-jussuassutaasarpooq. Amerlasuuni eqqarsaat siulleq tassaasarpooq nappaat toqqutigissavara? Inalugarsuakkut erlukkullu kræfteqartuuneq nappaataavooq imaannaanngitsoq. Taamaattumillu peqqisseqqin-nissamut apeqqutaasut pingaarerit ilagaat kræftip paasineqa-jaarsimanera, piaartumik katsorsaanerup pisinnaasimanera kiisalu kræfteqarfiup tamarmi peerneqarsinnaasimanera. Nappaatip killif-ia tikkuussisinnaasarpooq peqqisseqqissinnaaneq qanoq qanitsi-ginersoq.

Tullinnguullugit atuarneqarsinnaapput Danmarkimi naatsorsueqqissaarnerup kingorna paasisat qanoq ittuunerat. Taakkua takus-sutaasinnaapput erlukkut inaluarsuakkullu kræfteqarlutik katsor-sarneqartut aamma peqqisseqqittut qanoq amerlatiginersut.

Pingaartereqluq paassisallugu naatsorsueqqissaarnerit illerpiaq nappaateqarninnut tunngatillugu takussutaasinnaanngimmata.

Naatsorsueqqissaarnerit qanoq takussutissaqarpat?

Naatsorsueqqissaarnerni kisitsisit paasisat tassaanngillat inuit ataasi-akkaat qanoq atugaqarnissaannut tikkuussisinnasut. Illit peqqisseqqissinnaaninnut apeqqutaasut tassaapput nappaativit qanoq killiffeqarsimanera, qanoq ukioqarnerit, arnaanerit angutaane-rilluunniit, allatigut nappaateqarnersutit, qanoq inooriaaseqarnerit aamma timikkut qanoq piginnaasaqartiginerit.

Nakorsaq aperisinnaavat illit peqqisseqqissinnaanerit qanoq naliler-sinnaaneraa. Taamaattoq ilimagissanngilat nakorsap qularnaarin-nilluni akissuteqarnissaa.

Naatsorsueqqissaarnerit malillugit inalugarsuamikkut kræfteqartut, killiffik A-mut inissinneqarsimasut tamarmik 75 %-ii katsorsartereernerup kingorna ukiuni tallimani sivisunerusumilluunniit inuuinnaasut. Killiffimmut B-mut inissinneqarsimasut ilaat 60 %-it aamma taamatut, kiisalu killiffimmut C-mut inissinneqarsimasut 45 %-ii aamma peqqisisarput. Katsorsaariaatsit nutaat napparsimasunut atortitat pitsangorsarneqartuaannarmata nappaatip toqqutiginissaa qaqtigooraluttuunnarpooq, aamma nappaat timip sinneranut siaruaassimatillugu, pingaartumik siaruaannerit peer-neqarsinnaasimatillugit.

Naatsorsueqqissaarnerit kisitsisitai malillugit erlukkut kræfteqartut katsorsartittut killiffimmullu A-mut killissimasut, 75 %-iisa nappaatertik qaangerlugu ukiuni tallimani sivisunerusumilluunniit inuuneqartarput. Tamanna pisarpoq pingaartumik kræfteqarfitt erlummi arlaliusut peerneqarsinnaasimatillugit. Napparsimasut killiffimmut B-mut pisimasut ilaat 65 %-it qaangiisarput taamatut, kiisalu killiffimmi C-mi killiffeqarsimasut ilaat 50 %-it peqqisseqqittarput.

Taamaattorli erlukkut kræfteqartut siaruaattoorsimasulli peqqisseqqittut akuttunerusarput. Taamaattoq katsorsaanerup nutaap pitsa-nerusullu atortinneqarnera pissutaalluni inuuneq sivisunerulersarpoq.

Kræfti peerneqarsinnaanngippat taava?

Inalugarsuakkut kræfteqarneq tamatigorluinnaq qaangerneqarneq ajorpoq, ilaat peqqisseqqissinnaajunnaartarpot.

Taamaattoqartillugu nakorsaniit neqeroorutigineqartarpoq anniaateqarnaveersaartitsiniarluni nakorsaasiineq.

Anniaateqartitsinaveersaartitsiniarluni nakorsaasiineq nalinginnaasumik peqqissivissutaaneq ajorpoq, taamaattoq inuuneq sivitsornergarsinnaavoq kiisalu inuuneq pitsaanerulersinnaavoq.

Tamanna isumaqarpoq aaqqissinnaanngitsumik kræfteqartuulluni inuuneq atorneqartariaqartoq.

Anniarnaveersaartitsilluni nakorsaasiineq

Nappaatip siaruassimanerani imaluunniit nangeqqissimanerani kemoterapii annerisaqarnaveersaatitut atortissallugu periarfissaavooq.

Tamatut killiffeqarnermi kemoterapii peqqissivinnermik kinguneqarsinnaanngikkaluartoq, taamaattoq anniarnaveersataasarloq imaluunniit anniarunnaavinnermik kinguneqarsinnaavoq. Tamatumma saniatigut nappaat piffissap ilaani ersigunnaavissinnaavoq taamalu inuuneq sivisunerusinnaalluni.

Kemoterapii timimut nukillaarsaasarmat, atortinneqarnerani ilinnut iluaqutaandersoq nakorsaniit ataavartumik nalilersuisoqartuassaaq.

Taamaattumik kemoterapii atulersinnagu misisortinnerit arlallit aqquaartarsinnaavatit soorlu tarrarsuineq, CT-scanning.

Misisortittarerit qammaitit marluk pingasulluunniit qaangiukkaangata ingerlanneqartassapput. Taamaaliortarnikkut nalilerniarneqartarpoq kemoterapiiip atortinneqarneranut siunertaq, tassalu anniaateqartitsinaveersaarneq ilumut piviusunngortinnejarsimandersoq. Tamatuttaaq kingunipiluit qanoq annertutiginerat misisorseqartarpoq.

Erlukkut kræfteqarneq peerneqarsinnaanngippat taava anniarnaveersaatermik nakorsaasiiniaraanni qinngortaaneq kisiat imaluunniit kemoterapiimik ilassuteqarluni atortinneqassaaq.

Tamatumunnga siunertaavoq annerisaqannginnissaq aamma erlummit aanaarttuunnginnissaq.

Nappaatip nangeqqinnerani nakorsaasiineq

Katsorsartereernerup kingorna nangeqqissimaguit, sukkut nangeqqinnerit, nappaatip annertussusia siusinnerusukkullu sumik katsorsaaserneqarsimanerit tunngavigalugit nakorsaasiisoqassaaq.

Pilaaneq, kemoterapii immaqalu qinngortaanermik ilassuteqartillugu ilinnut atortinneqarsinnaapput. Nappaamminnik nangeqqitoortut pillugit nakorsaatissiineq ukiuni kingullerni malunnaatilimmik pitsaanerulernikuuvoq.

Inalugarsuakkut kræfti sooq pinngortarpa?

Timip sananeqaatai nalinginnaasumik ilaartortarput aatsaat pisariaqartillugu. Inalugarsuup ameraasaani sananeqaatit pissusissamisunngitsumik amerliartorpata kimillannertut ittut ikit naasarput. Kimillannerit kræftinnguuttoornissamut aallarniutaasinnaapput, naak tamatigut taamaanneq ajoraluarlutik. Ilisimatuunit erseqqissumik nassuiarneqarsinnaanngilaq sunarpiaq pissutaalluni inalugarsuakkut kræfti pinngortarnersoq. Taamaattoq pissutaasinnaasut arlallit kræftinnguuttoornissamut aallarniutaasutut pasitsaaneqartarput.

Taakkuunerupput nerisassat pingaartumik annertuumik neqitaqnerusut, nerisat paarnanik inerititanik naatitanillu akoqanngingajatut, pualaneq, pujortartarneq imigassarlu aalakoornartoq.

Peqqinnissamik sallutiitissilluni inooriaaseq kiisalu inalugarsuakkut kræfteqarneq pillugu inuiannik misissuineq, inalugarsuakkut kræfteqalernissamut akiuinianternertut sallertut isigineqarpooq.

Inalugarsuakkut kræfteqartut ilaat 5 %-iniit ikinnerit ilaqtariittuusarput. Ilaqutariinni inalugarsuakkut kræfteqalernissaq atugaasimappat, 50-iliisinnatik kræfteqalersut arlaqarnerusinnaapput. Ilaqutariit ilaat inalugarsuakkut kræfteqalernissaminnut qanittuupput, pingaartumik ikitut ittunik naasooqqajaanerusut.

Ilaqutariit inalugarsuamikkut kræftinnguussinnaasumik naasoortartut pillugit taaguut qallunaatut, Familiær Adenomatøs Polypose (FAP)-mik taaneqartarpooq .

Uanga nammineq qanoq iliuuseqarsinnaavunga?

Kræftimik nappaatillit amerlasuut soqtigisarpaat namminneq qanoq iliuuseqarsinnaanertik. Nerisat, timersorneq, tupatorneq aamma aalakoornartutorneq tassaapput nammineq iliuuseqarfigisinnaasat.

Nerisat timersornerlu

Kræftimik nappaateqartut amerlasuutigut sanigortarput.

Amerlasuut piffissap ilaani nererusussuseqarneq ajorput, merianngusarput, iisiuminaatsitsisarput allatigullu erlavikkut ippinniuuteqarnerusarlutik. Nerisaat inuit nappaateqanngitsut nerisaannut sanilliullistik inuussutissartaqarnerusussaapput - soorlu nerisassat orsortaqarnerit proteinertaqarnerillu nerisartussaavaat. Nakorsaq imaluunniit peqqissaasoq tamanna pillugu siunnersorneqarnissat paasiniaaffiguuk. Aamma inuussutissartorneq pillugu immikkut ilisimasalik ikuussinnaavoq.

Peqqissarnissaq sioqqullugu kingoqqullugulu timersornikkut iliuuseqartarnissaq amerlasuut iluaqtigisaqaat, timersorneq iluarusunnartutut misinnartarmat aamma isummamut pitsasumik kinguneqartarmat. Nakorsaq oqaloqatiguuk qanoq iliorsinnaanngerlutit, aammali qanoq iliorsinnaannginnerlutit paasiniarlugu.

Pujortartarpit?

Inalugarsuakkut erlukkullu kræfteqaruit pujortartarlutillu taava pujortarunnaarnissat isumassarsiatsialavoq.

Pujortarternerpit katsorsartinnerit sunniuteqarfingisinnavaa, pilatsitnunut qinngortartittunullu pujortartuuneq akornutissarsissuttaasinhaammat. Pilatsissimaguit ikitit pujortarnerup kingunerisaanik mamisaruminaatsuunerussapput. Tassa imaappoq katsorsartinnerpit nalaani napparsimmavimmi uninnganerit pujortartuunerit pissutigalu sivitsorsarneqarsinnaavoq.

Tupatortuunngitsuni timi mamiaarnerusarpoq. Peqqinnissakkut Qul-lersaqarfimmit innersuussutigineqarpoq pilatsinnissaq sioqqullugu sapaatit akunnerini 6-8-ni pujortarunnaareersimanissaq.

Pilatsereernerup kingorna sapaatit akunnerini 8-12-ini pujortanginnissaq innersuussutigineqartarpoq, imaluunniit pujortaleqqinqinnissaq pitsaanerpaasarpoq. Pujortakkat annikillisarlugit iluaqu-taangilaq. Tupatunngivinnissaq pisariaqarpoq.

Qinngortarneqarnermi qinngortaanerup sunniuteqartinnissaa tupertuni annikillisinneqartarpoq.

Pujortarunnaarnissannut ikorneqarusuppit?

Pujortarunnaarniarneq assut ajornakusoorsinnaavoq. Pingaartumik napparsimanerup nalaani ajornakusoorsinnaavoq. Peqqinnissaqarfitt amerlasuut kommunillu allaffii pujortarunnaarnissaq pillugu siunnersuisinnaapput. Taamaattumik nakorsat peqqissaasullu, kiisalu kommunit allaffii sumiiffimiittut saaffigineqarsinnaapput aperaluni pujortarunnaarusuttunut qanoq periarfissaqarnersoq.

Tamatuma saniatigut Paarisa piffissap ilaani pujortarunnaarnissamik ilitsersuisarpoq. Tamanna pillugu aamma peqqinnissaqarfimmi sulisut aperineqarsinnaapput.

Taamaattoq aamma qallunaatut paasisartunut internet-ikkut saaffiginnittoqarsinnaavoq uunga: Kræftens Bekæmpelse i Danmark.

Nittartagaq una alakkarterlugu: www.cancer.dk/tobak



Asseq: Johanne Olsen

Aalakoornartutorpallaarpit?

Inuit imigassamik aalakoornartumik killigititaasuniit sinniillutik atuisut pilanneqartussaasullu pilanneqareernerminni akornutissarsinerusarput, soorlu ikkukut aseruuttoorernik, uummatikkut puakkullu peqqiilliornermik kiisalu ikkukut aanaartitsinernik ikillu mamikkumaataarnerannik. Aalakoornartutortut aalakoornartutorneq ajortunut sanilliullutik napparsimmavinni uninnganerat sivisunerusarpoq. Katsorsarneqareernerup kingorna innersuussutaasarpoq aalakoornartutussagaanni tamanna killilersimaarniartariaqartoq, soorlu killigititaasut qaangernagit aalakoornartutortoqartassasoq.

Aalakoornartutornerup allanngortinnissaa pillugu ikiorneqarusuppit?

Nappaatit pillugu sularitinnissat sioqqullugu aalakoornartutortarnerit annikillisarniarlugu nakorsat imaluunniit napparsimmavimmi sulisut siunnersortigisinnaavatit. Kiisalu sumiiffinni pitsaliuinermik siunnersorteqarfiusuni sullisisut aalakoornartumillu ajornartorsiuteqartut pillugit siunnersuisinnaasut saaffigisinnaavatit.

Peqqinnissamut Qullersaqarfiup imigassamut aalakoornartumut killigititai

- Arnanut immiaaqqap ataatsip aalakoornartuata nalinga uuttutigalugu, sapaatit akunnerinut ataatsimut 14-it sinnernissaat inassutigineqanngilaq
- Angutinut immiaaqqap ataatsip aalakoornartuata nalinga uuttutigalugu, sapaatit akunnerinut ataatsimut 21-it sinnerneqarnissaat inassutigineqanngilaq
- Amerlanerpaamik ataatsikkut tallimat sinnerlugit imernisaat innersuussutigineqanngilaq

Sumi ikiorneqarsinnaavunga kiisalu siunnersorneqarsinnaavunga?

Kræftimut akiuiniarluni suliniaqatigiiffik, Neriuffik Kalaallit Nunaanni sumiiffinni amerlasuuni immikkoortortaqartaqarfeqarpoq. Ilinnut qaninnerpaaq sumiinnersoq qanorlu saaffigineqarsinnaanersoq pillugu napparsimmavimmi sulisunut nakorsamullu paasiniarsinnaavat. Imaluunniit Neriuffiup Kattuffia Nuummiittoq saaffigisinnaavat uunga:

Neriuffiit Kattuffiat
Postboks 1546
Aqqusinersuaq 48
3900 Nuuk
Tlf. +299 49 04 89 Fax: +299 31 25 04
E-mail: neriuffik@greennet.gl
Internetikut nittartagaq: www.neriuffik.gl

Saqqumersitsisoq:
Neriuffit Katuffiat - 2010 Ilusaa siulleq, naqiternera siulleq
Ilusilersuisoq: inuk Media ApS · Assit © inuk Media ApS
Quppersakkamit uuminnga nutsigaq: 'Kræft i tyk- og endetarm'
Nutserisoq: Kirstine Berthelsen



Neriuffit Kattuffiat
Postboks 1546,
Aqqusinersuaq 48 A,
3900 Nuuk
neriuffik@greennet.gl
www.neriuffik.gl

